

四庫全書

史部

欽定四庫全書

御批歷代通鑑輯覽卷七十四

宋

真宗皇帝

庚申天禧四年春正月以曹瑋簽書樞密院事

瑋沈勇有謀馭軍嚴明自少捍禦西陲熟知羌情以  
奇計用兵所向克捷善撫士卒綏懷邊人羌戎畏愛  
之

二月帝有疾不視朝

三月左僕射同平章事兼景靈宮使向敏中卒

謚文簡

敏中端厚沈毅識大體時以重德目之

夏四月有兩月並見西南

六月寇準罷

時帝得風疾事多決于皇后寇準李迪以為憂一日

準請問曰皇太子人所屬望願陛下思宗廟之重傳

以神器擇方正大臣羽翼之丁謂錢惟演佞人也不

寇準密贊大計  
自當慎之又慎  
東宮監國事出  
非常止宜詔自  
朝廷豈可由羣  
臣陳請準因周  
懷政之告而始  
有此議又預令  
人草表已屬官  
成況復被酒漏  
言尤為粗疎無  
術其遺謾去位  
不得謂非自取  
也至真宗以家  
國大事謀及宦  
官幾至釀成禍

可以輔少主帝然之準密令楊億草表請太子監國  
且欲援億輔政已而準被酒漏言謂聞之曰即日上  
體平朝廷何以處此李迪曰太子監國古制也何不  
可之有謂因力譖準請罷其政事帝不記與準有成  
言竟罷為太子太傅封萊國公

秋七月以李迪丁謂同平章事馮拯為樞密使

迪時兼太子賓客制下固辭帝不允會皇太子見帝  
拜曰陛下用賓客為相敢謝帝顧謂迪曰尚可辭邪

亂亦豈得辭始  
事不臧之咎哉

迪乃受命

貶寇準知相州

帝始得疾自疑不起嘗卧宦者周懷政股與之謀欲  
命太子監國懷政東宮官也出告寇準已而事泄準  
罷丁謂等因疎斥之使不得親近懷政憂懼不自安  
陰謀奉帝為太上皇而傳位太子罷皇后預政殺丁  
謂而復相準客省使楊崇勳

字實臣  
荊州人

等以其謀告謂

謂即微服夜乘犢車挾崇勳詣曹利用議明日以聞

詔命曹瑋訊之懷政具服帝怒甚欲責及太子羣臣  
莫敢言李迪從容奏曰陛下有幾子乃欲如是帝悟  
乃止誅懷政謂與皇后謀并發朱能天書妖妄事遂

貶準為太常卿知相州詔罷翰林學士盛度

字公量餘杭人

樞密直學士王曙

字晦叔河南人準之婿

朝士與準親厚者皆

斥之

準之貶也帝命與小州謂輒云與遠小州迪言向者聖旨無遠字二人忿爭蓋始此

八月貶寇準為道州司馬

時遣使捕朱能擁衆叛未幾衆潰自殺準坐是再

貶道州既至晨具朝服如常時對賓客言笑若初無  
廊廟之貴者自罷相三紉皆非帝意歲餘帝問左右  
曰吾目中何久不見寇準羣臣畏謂威莫敢對

九月帝疾瘳

冬十一月李迪丁謂罷翌日謂復留視事罷翰林學士

劉筠

字子儀  
大名 人

丁謂擅權用事至除吏不以聞迪憤然謂同列曰迪  
起布衣至宰相有以報國死猶不恨安能附權倖為

自安計邪會議二府皆進秩兼東宮官迪以為不可  
謂又欲引林特為樞副迪復沮之謂積怒既而謂加  
門下侍郎兼太子太傅迪加尚書左丞仍兼太子少  
傅故事宰相無兼左丞者及入對長春殿內出制書  
置榻前帝謂輔臣曰此卿等兼東宮官制也迪進曰  
東宮官屬不當增置臣不敢受命丁謂固上弄權私  
林特錢惟演而嫉寇準特子殺人事寢不治準無事  
遠謫惟演以皇后姻家使預朝政曹利用馮拯相為



朋黨臣願與謂俱罷付御史臺劾正帝怒留制不下  
左遷迪知鄆州謂知河南府明日謂入謝帝詰所爭  
狀謂對曰非臣敢爭乃迪詈臣爾願復留遂自出傳

口詔復入中書視事時劉筠已草迪謂同罷制既而  
謂復留命草制筠不奉詔乃更召學士晏殊

字同叔  
撫州臨

人草之筠自院出遇殊殊皇愧側面不敢與揖謂既

復位益擅權專恣筠曰奸人用事安可一日居此力

請補外遂知廬州

筠初為億所識後遂  
與億齊名時號楊劉

詔太子叅議朝政

詔自今軍國大事取旨如故餘皆委皇太子同宰相  
樞密等叅議施行太子固讓不允遂開資善堂親政  
皇后裁決于內而丁謂用事中外以為憂王曾謂錢  
惟演曰太子幼非中宮不能立中宮非倚太子則人  
心亦不附后若加恩太子則太子安太子安則劉氏  
安矣惟演乘間言之后深納之

辛酉 五年秋七月甲戌朔日食

九月吐蕃嘉勒斯賚降

冬十月貶王欽若為司農卿分司南京

欽若判河南有疾表乞就醫京師丁謂使人紹之曰  
上甚思一見君也欽若信之即與疾至京謂因言欽  
若擅去官守無人臣禮命御史就第按問欽若惶恐  
伏罪故貶

壬戌乾興元年春二月羣臣上帝尊號

帝崩遣詔皇后權處分軍國事太子禎即位

是為  
仁宗

尊皇

仁宗即位年已十三不為幼矣使得公正大臣輔政則朝廷可望清明母后臨朝無益于君德而有損于國是特貪壬之徒計圖依附擅專耳王曾既稱正色立朝時倚為重何不予受遺時力陳利害沮處分軍國之詔以

## 后為皇太后赦

王曾奉遺詔入殿廬草制命皇后權處分軍國事輔太子聽政丁謂欲去權字曾曰皇帝冲年太后臨朝斯已國家否運稱權猶足示後且增減制書有法表則之地先欲亂之邪謂遂止太子即位年十三矣尊皇后為皇太后淑妃楊氏為皇太妃兩府議太后臨朝儀曾請如東漢故事太后與帝五日一御承明殿太后坐帝右垂簾聽政謂欲擅權不欲同列與聞機

圖探本澄源而  
僅爭留權字議  
定垂簾為苟安  
計耶

準之貶尚由不  
密失身迪則無

政潛結入內押班雷允公

開封人

密請太后降手書云

帝朔望見羣臣大事則太后召對輔臣決之非大事  
則令允恭傳奏禁中畫可以下曾曰兩宮異處而柄  
歸宦官禍端兆矣于是允恭恃勢專恣而謂權傾中  
外衆莫敢抗獨曾正色立朝時倚為重

夏四月貶寇準為雷州司戶叅軍李迪為衡州團練副  
使

真宗臨崩惟言寇準李迪可託丁謂怨準而太后憾

罪而亦被逐莊  
獻以私怨遽退  
大臣豈所以昭  
大公無我之度  
況以朋黨誣連  
則更過矣丁謂  
諸生記事云云  
不顧清議小人  
而無忌憚又何  
責焉

迪嘗諫立已

事具前

遂誣以朋黨貶之連坐者甚衆曹

瑋亦謫知萊州

初議竄逐王曾疑責太重謂熟視曾曰居傳主人恐亦未免蓋曾嘗以第

舍假準曾遂不復爭學士呈制草謂改曰當醜徒干紀之際屬先帝連豫之初罹此震驚遂致沈劇且使人迫迪行或語謂曰迪若貶死公如士論何謂曰異日諸生記事不過曰天下惜之而已謂必欲令二人死遣中使齎敕就賜以錦囊貯劍揭于馬前示將誅戮狀至道州衆皆皇恐不知所為準方與郡官宴飲神色自若使人謂之曰朝廷若賜準死願見勅書中使不得已乃授勅準拜于庭升階復宴至暮乃還

六月契丹遣使來弔祭

契丹主聞真宗崩集蕃漢大臣舉哀遣耶律僧隱等

來弔祭置真宗御靈建資福道場百日而罷詔諸州  
軍不得作樂凡國中犯真宗諱者悉改之

內侍雷允恭伏誅丁謂任中正免

謂為山陵使允恭為都監判司天監邢中和言于允  
恭曰今山陵上百步法宜子孫類汝州秦王墳但恐  
下有石與水耳允恭曰上無他子若如秦王墳何不  
可中和曰山陵事重踏行履按動經日月恐不及七  
月之期耳允恭曰第移就上穴我走馬入見太后言

丁謂當仁宗初  
立時有垂簾之

之允恭素貴橫人不敢違即改穿上穴乃入白太后  
曰此大事何輕易如此允恭曰使先帝宜子孫何為  
不可太后意不然曰出與山陵使議可否允恭出與  
謂言謂唯唯允恭入奏山陵使亦無異議遂命夏守  
恩字君殊并州榆次人領工徒數萬穿地土石相半繼之以水  
衆議日喧懼不能成功中作而罷奏請待命謂此允  
恭依違不決內侍毛昌達自陵下還以其事聞詔問  
謂謂始請遣使按視既而咸請復用舊地乃詔馮拯



事交通內侍樞  
黨攬權幾于升  
覽朝紀其罪惡  
較前更甚幸而  
莊獻察其奸欺  
即明正其誅復  
何足惜馮極力  
為營謀所謂生  
平嚴正者安在  
至云恐駭天下  
耳目尤為謬矣  
謂之罪世所共  
知誠能誅之天  
下必開新政而  
稱快何駭人聽  
觀之有且極已

曹利用等就謂第議遣王曾復視曾還請獨對因言  
謂包藏禍心令允恭移皇堂于絕地太后大驚怒甚  
欲併誅謂馮拯進曰謂固有罪然新帝即位亟誅大  
臣駭天下耳目后怒稍解遂止誅允恭等二日太后  
召宰相諭曰丁謂為宰相乃與宦官交通謂前附允  
恭奏事皆言已與卿等定議故皆可之且營奉先帝  
陵寢而擅有遷易幾誤大事拯等對曰自先帝登遐  
政事皆謂與允恭同議稱得旨禁中臣等莫敢辨虛

自稱英敗辨虛  
實則平日之委  
蛇救進亦可概  
見矣

實賴聖神察其姦此宗社之福也任中正獨進曰謂  
被先帝顧託雖有罪請如律議功曾曰謂以不忠得  
罪宗廟尚可議邪乃降授謂太子少保分司西京并  
罷中正出知鄆州故事黜宰相皆降制時欲亟行止  
召舍人草詞仍榜朝堂宣諭天下以極為山陵使  
秋七月甲子朔日食幾盡

以王曾同平章事呂夷簡魯宗道叅知政事錢惟演為  
樞密使

曾方嚴持重每進見言利害事審而中理多所拔薦  
尤惡僥倖帝嘗問曾曰比臣僚請對多求進者曾對  
曰惟陛下抑奔競崇恬靜庶幾有難進易退之人矣  
初真宗封岱祀汾兩過洛陽皆幸呂蒙正第問曰卿  
諸子孰可用蒙正對曰臣諸子皆不足用姪夷簡宰  
相材也夷簡由是進用累擢知開封府嚴辨有聲真  
宗識其姓名于屏風將大任之不果宗道嘗為右正  
言論列無所畏避真宗書殿壁曰曾直盖思念之也

丁謂有罪貶崖州司戶叅軍

初女道士劉德妙嘗以巫師出入謂家謂敗逮繫德妙內侍鞠之德妙具言謂嘗教之曰汝所為不過巫事不若托老君言禍福足以動人于是即謂家設神像夜醮于園中雷允恭數至請禱及真宗崩引入禁中又因穿地得龜蛇令德妙入內給言出其家山洞中仍教云上即問若所事何知為老君第云相公非凡人當知之謂又作頌題曰混元皇帝賜德妙語涉

妖誕遂貶謂崖州司戶叅軍籍其家得四方賂遺不

可勝紀

謂赴崖州道出雷州寇舉使人以一羔羊逆諸境上謂欲見準準固辭之準聞家僅謀欲

報仇乃杜門使縱博毋得出候謂行遠乃已謂機敏

有智謀檢校過人及居崖州專事浮屠因果之說家

寓西京嘗為書自克責敘國厚恩戒家人無輒怨望

遣人致于洛守劉耀卿祈付其家戒使者伺耀卿會

衆僚時遠之耀卿得書不敢私即以上聞太后與帝

見之感惻遂徙雷州亦出于揣摩也劉耀卿洛陽

人

八月太后同御承明殿聽政

冬十月葬永定陵

在鞏縣永昌陵北

以天書殉

史臣以天書殉葬為是續綱目

發明則以為非  
且謂當辨其偽  
焚其書誅其人  
夫天書妄誕本  
不足信事後止  
宜置諸不論不  
議而已舉而投  
畀炎火且又追  
戮奸邪豈非彰  
真宗之過于組  
落之後而究無  
補政化之得失  
哉

### 十一月錢惟演罷

史臣曰真宗英悟之主其初踐位相臣李沆屢奏災異以杜其侈心蓋有所見及澶淵既盟封禪事故祥瑞沓臻天書屢降一國君臣如病狂然吁可怪也仁宗以天書殉葬山陵賢哉

初惟演見丁謂當國權勢薰灼因附之與為昏嫫寇

準之斥惟演有力焉及序樞密題名獨削去準姓氏

云逆準不書御史中丞蔡齊

字子思萊  
州膠水人

言于帝曰寇

準忠義聞天下社稷之臣也豈可為奸黨所誣哉帝

遽令磨去之謂得罪惟演慮將及已因擠謂以自解

馮拯以是惡其為人因言惟演以妹妻劉美乃太后

姻家不可與機政以廢祖宗之法請罷之乃以保大

節度使知河陽府踰年入朝意圖執政御史鞠詠

字詠

之開上疏論之太后遣內使持奏示惟演惟演猶顧

望不行詠語石司監劉隨

字仲宇開封人

曰若相惟演當

取白麻廷毀之惟演始亟去

惟演出于勲貴文辭清麗名與楊億劉筠相上

下于書無所不讀尤喜獎勵後進嘗曰吾生平不足者惟不得于黃紙上押字耳故切切求入中書為時

議所

吐蕃李立遵來附

給兖州學田

判國子監孫奭上言知兖州日建立學舍以延生徒至數百人臣雖以俸贍之然常不給乞給田十頃為學糧從之諸州給學田始此

帝初御經筵

王曾以帝初即位宜近師儒乃請御崇政殿西閣召侍講學士孫奭直學士馮元

字道宗  
廣州人

講論語初詔雙



日御經筵自是雖隻日亦召侍臣講讀帝在經筵或左右瞻矚及容體不正亟即拱立不講帝為竦然改聽

仁宗皇帝

茶法三折貼射  
終北宋世凡再

癸亥 天聖元年春正月立計置司罷榷茶鹽行貼射見錢

法

三吏為時率以  
貼射為便然亦  
有以見錢徒致  
京師入少出多  
為患者而劉敞  
歐陽修則極論

時承平既久兵籍益廣吏員益衆上下困于財三司

使李諮

字仲詢  
新喻人

請省浮費鹽鐵判官俞獻卿

字諫臣  
歙人

均賦納錢之害  
以此知弊由法  
生惟在經理之  
善與不善所謂  
有治人無治法  
耳辦鹽耗課又  
何獨不然

亦言天下穀帛日耗稻禾未生而和糴桑葉未吐而和

買自天禧以來日甚一日宜與大臣議掇正之上納

其言乃立計置司以張士遜字順之陰城人呂夷簡魯道宗

領之首考茶法利害初陝西河北商人入芻糧者雍熙

後用兵多募商人入芻糧塞下酌地權貨務宋權茶

之遠近而為其直取市價而厚增之之制擇

要會之地曰江陵府曰真州曰海州曰漢陽給券以

軍曰無為軍曰蘄州之蘄口為權貨務六

茶償之後又益以東南緡錢及香藥犀象謂之三說

讀作允及其既敝利歸商賈入芻糧者非盡行商多其

鬻茶商茶商以券取茶  
收蓄貿易以射厚利

券之滯積雖二三年茶不足

儻

物之估日高茶之價  
日賤故券多滯積

由是邊備日蹙

入蜀糧者以  
利薄不趨

茶法大壞至是詔等較歲入登耗上言淮南十三場

茶

蕪州曰王棋石橋洗馬黃梅黃州曰麻城廬州曰  
王同舒州曰太湖羅源壽州曰霍山麻步開順口

光州曰商  
城子安

歲課五十萬緡天禧五年纔及二十三萬

緡每券直錢十萬鬻之售錢五萬五千總為實錢十

三萬緡除九萬緡為本錢歲纔得息錢三萬餘緡而

官吏廩給雜費不與焉是則虛數雖多實利殊寡請

罷三說以十三場本息併計其數罷官給本錢使商

人與園戶自相交易一切定為中估而官收其息

如驚

舒州羅源場茶斤售錢五十有六其本錢二十有五官不復給但使商人輸息錢三十有一而已

然

必輦茶入官隨商人所指而與之給券為驗以防私

售謂之貼射

以物為質曰貼指物而取曰射給券為質而指取其茶故有貼射之名

若

歲課貼射不盡則官市之如舊商人入芻糧塞下者

隨所有實估度地理遠近量增其直給券至京一切

以緡錢償之謂之見錢法

以實錢入粟以實錢售茶二者不得相為輕重詔

等又以乾興中解池鹽入錢京師歲二十三萬緡視

天禧三年數損十四萬請令入中

之仲反猶言注也

並邊易

粟上皆從之

謬法既行商人失厚利怨謗蜂起會孫奭等亦言其煩擾于是罷貼射法官仍

給本錢市茶商人入錢售之茶法復壞其解鹽亦詔入錢京師隨商人所便謬改知洪州尋奪職事在

三年

三月行崇天曆

司天監張奎運所造

秋九月馮拯罷

拯氣貌嚴重而乏風節丁謂不誅實拯營救力也平  
居自奉多侈靡外示儉陋人不能知至是以疾罷

未幾

以王欽若同平章事

欽若再相以帝初臨政謂百官敎進皆有常法為圖  
以獻然亦不能大用事如真宗朝矣

閏月故相寇準卒于雷州

後復官賜謚忠愍

初太宗得通天犀

犀角紋有白理如線夜視有光者名通天犀亦曰夜明犀命工

為二帶一以賜準及是準病遣人取自洛中既至沐

浴具朝服束帶北面再拜就榻而卒

詔許歸葬西京道出公安人皆

路祭掃竹焚猷踰月枯竹盡生笋衆因為立廟號竹林寇公祠 公安蜀漢縣注見前今縣東北有寇萊

祠公

冬十一月禁巫覡邪術

先是洪州俗尚鬼多巫覡惑民凡已之所資假神而

言無求不得知州夏竦

字子喬江州德安人

索部中幾二千家

勒令還農毀其淫祠以聞詔江浙荆湖閩廣凡挾邪

自張詠立交子法而會關引鈔屢易明日弊至不可究詰詠之為此特因救一時鐵錢之失非欲經久通行效尤者不原其立制本意圖法幾因之窒礙則拘泥不遑事體之過也泉貨貴于流通豈可使他

術害人者悉禁絕之

置益州交子

傲于唐之氣錢以楮為之其後關子會子錢引及鈔畧同此

務

初張詠知益州患蜀人鐵錢重不便貿易設質劑之法一交一緡以三年為一界而換之六十五年為二十界謂之交子使富民主之後富民稍衰不能償

所負爭訟不息轉運使薛田

字希稷河東人

張若谷

字德縣南劍州

沙縣人請置交子務以權其出入禁私造者帝從其議

立務于益州界以百二十五萬六千三百緡為額

自是



物操其盈黜  
後世以銀為弊  
輕費易致又安  
取此滯閭朽爛  
之物耶

以後始以楮代銅交子代  
錢限年以為界而交易之

甲子二年夏五月丁亥朔司天監奏日食不應

中書奉表稱賀

秋八月帝臨國子監謁孔子

冬十一月立皇后郭氏

平盧節度使  
崇之女孫

時張美人

河南永安人石州  
推官堯封之女

有寵帝欲立之太后不

可而止故后雖立而頗見疎

乙丑三年夏五月帝幸御莊觀刈麥

考宋史仁宗紀是年  
書觀刈麥皇祐元年

則不書續綱目皇祐元年書卓後苑觀刈麥而此則不書今依宋史為據而已續綱目所載附注于此

聞民舍機杼聲賜織婦茶帛

帝復于後苑作寶岐殿歲觀刈麥謂輔臣曰朕

作殿不欲植花卉而歲以種麥庶知稼穡之不易也

冬十一月王欽若死

欽若既死後帝謂輔臣曰欽若久在政府觀其所為真奸邪也王曾對曰誠如聖諭

十二月以張知白同平章事張旻為樞密使

太后微時嘗寓旻家旻事之甚謹后德之故自河陽

召還長樞府樞密副使晏殊言晏無勲勞徒以恩幸  
被寵天下已有非才之議奈何復用為樞密使也后

不悅

晏尋更  
名耆

寅

四年夏五月契丹伐回鶻圍甘州兵敗而還

先是契丹伐鶻入甘州降其王耶剌里里既而又破

肅州盡俘其民修土隄口故城

在今肅  
州西北

以實之至是

契丹將蕭惠

字伯仁阿古  
只五世孫

復圍甘州不克由是阻卜

諸部皆叛契丹兵將多敗死

曾之解鼓妖之  
或辨河決之訛  
雖云持以鎮靜  
而流言息人心  
安然以理論之  
此立朝之人盡  
所宜知初不必  
待職力過人者  
而後辦此也至  
聞水作放朝聖  
執不退并請見  
陳謨則當時君

## 六月大水

京師大雨平地水數尺壞民舍壓死數百人京東西  
及河北江淮以南皆大水帝避殿減膳肆赦蠲民租  
撫流民方水之作也宰執晨朝未入有旨放朝王曾  
附中使奏曰天變甚異乃臣等變理無狀豈可退安  
私室亟請入見陳所以備禦之道同列有先歸者皆  
愧服焉

時傳言汴口決水且大至都人恐欲東奔帝問曾曾曰河決奏未至民間妖言不足慮也

已而果然

若臣之度量亦大半可見矣

冬十月甲戌朔日食

丁卯五年春正月朔帝率羣臣朝太后于會慶殿

先是帝白太后欲元日先上太后壽乃受朝太后不可王曾奏曰陛下以孝奉母儀太后以謙全國體請如太后令帝不從

晏殊罷以夏竦為樞密副使

殊從幸玉清昭應宮從者持笏後至殊怒以笏擊之折齒為御史所論出知宣州尋改應天自五代以來

天下學校廢壞殊始興建為諸州倡且延范仲淹

字希

文蘇州吳縣人

以教生徒仲淹敦尚風節每感激論天下事

殊深器之竦明敏博學文章典雅材術過人但急于進取喜交結任數傾側世以奸邪目之

夏五月楚王元佐卒

秋九月以程琳

字天球永寧軍博野人

為御史中丞

張知白最器琳當除命喜曰不辱吾筆琳上疏請罷諸土木營造蠲被災郡縣逋租帝嘉納之未幾除知

開封府

王蒙正子齊雄殺人貨其妻子使以病告蒙正聯姻太后家琳察其詞色異令有司驗之

得狀太后因琳對諭之曰齊雄非殺人者乃其奴捶之琳曰奴無自專理且使令與已犯同太后默然卒

論如法

戊辰六年春二月工部尚書同平章事張知白卒

諡文節

知白為相慎名器抑倣倖每以盛滿為戒雖貴顯清約如寒士及是卒帝為罷上已宴

三月丙申朔日食

以張士遜同平章事姜遵

字徒式淄州長山人范雍字伯純河南人為樞

密副使

士遜之相曹利用薦之也

夏五趙德明使其子元昊

小字嵬理夏國語謂  
惜為嵬富貴為理

襲回鶻

甘州取之

元昊性雄毅多大畧善繪畫能創製物始圓面高準

曉浮圖學通蕃漢文字德明雖臣事中國及契丹然

于本國則稱皇至是以元昊襲破回鶻奪甘州遂立

為皇太子

元昊事  
始此



秋七月江南河北水

據宋史及東都事畧是年大水並在七月亦不及兩浙今改政

江寧府楊真潤州江水溢詔遣使安撫賑恤河北大水九月遣近臣十七人巡行免水災州軍秋稅

己巳七年春正月曹利用罷

時太后臨朝中人貴戚稍能軒輊為禍福而利用以勲舊自處不恤也凡內降恩力持不與左右多怨之太后亦嚴憚利用稱曰侍中而不名利用奏事簾前或以指爪擊帶韁左右指示太后曰利用在先帝時

何敢爾邪太后領之會利用從子汭為趙州兵馬監

押被酒衣黃衣令人呼萬歲事聞汭杖死內侍羅崇

勲與利用有隙

先是崇勲得罪太后使利用戒之利用去其冠幘詔書良久

請併

罪利用后問諸執政衆顧望未有對者張士遜徐曰

此獨不肖子為之利用大臣宜不知狀后大怒王曾

復為力解后曰卿嘗言利用彊橫今何解也曾曰利

用素恃恩故嘗以理折之今加之以大惡則非臣所

知也后意少釋乃罷為千牛衛將軍知隨州

二月參知政事魯宗道卒

諡簡肅

宗道剛正嫉惡遇事敢言貴戚用事者皆憚之目為

魚頭參政因其姓且言骨鯁也及卒太后臨奠之

太后

臨朝宗道屢有獻替后嘗問唐武后何如主對曰唐之罪人也幾危社稷后默然有小臣方仲弓請立劉氏七廟后問諸輔臣眾不敢對宗道獨進曰若立劉氏七廟如嗣君何乃止后嘗與帝同幸慈孝寺欲乘輦先行宗道以夫死從子之義爭之后遽命輦後乘輿

張士遜罷

先是曹利用憑寵自恣士遜為相依違其間時人目

之為和鼓及是利用既斥士遜遂罷

以呂夷簡同平章事夏竦薛奎參知政事陳堯佐

字希元堯

弟之為樞密副使

初奎知開封府時真宗數宴大臣至有沾醉者奎諫

曰今天下誠無事然宴樂無度大臣數被酒失儀非

所以重朝廷也真宗善其言及是入謝帝曰先帝嘗

以卿可大任今用卿先帝意也

他曰帝諭輔臣曰臣事君鮮有克終者奎

對曰保終之道匪獨臣下然也因歷數唐開元天寶時事以問帝然之

安置曹利用于房州至襄陽自殺

利用復坐私貸官錢再貶宦者多惡利用必欲致之死以快志內侍楊懷敏送之至襄陽驛以語侵之利用遂投繯而死

利用性悍梗少通力裁僥倖而其親舊或有因緣以進者故及于禍然居

位忠藎有守終始不屈死非其罪聞者冤之

### 復制舉諸科

自祥符罷制舉至是帝詔復置六科以待京朝官之被舉及應選者增置書判拔萃科以侍選人之應書

者又置高蹈邱園沈淪草澤茂材異等三科以侍布衣之被舉者又置武舉以侍方畧智勇之士

三月給契丹流民田

契丹饑流民至境上帝曰皆吾赤子也詔給以唐鄧州閒田仍令所過給食

夏六月玉清昭應宮災罷王曾知青州

續綱目作兗州今據宋史及東

都事畧改正

丁未夜大雨震電宮內火起至曉宮室盡燬詔繫守

輔臣宮觀使名  
實非正道蓋自  
真宗崇奉天書  
始仿唐時太清  
宮使而置本不  
當於政經仁宗

衛者于御史獄太后泣對大臣曰先帝竭力成此宮  
一夕延燎幾盡惟長生崇壽二小殿存爾何以稱遺  
旨哉范雍抗言曰不若悉燔之先朝以此竭天下之  
力遽為灰燼非出人意如因其所存又將葺之則民  
不堪命非所以祇天戒也中丞王曙亦言是宮之建  
非應經義災變之來若有警者願除其地罷諸禱祠  
以應天變司諫范諷字補之齊州人復言此天之戒告不當  
置獄窮治太后與帝感悟遂減守衛者罪乃下詔不

因災罷之可為  
得體迨政和中  
復建神霄玉清  
萬壽等宮紛紛  
置使終宋之世  
遂以為優禮大  
臣之典拜命者  
雖賢不免腆顏  
受之習俗移人  
乃至是哉

復繕修以二殿為萬壽觀罷諸宮觀使初太后受冊  
將御大安殿曾執不可及長寧節上壽又執不可皆  
供帳便殿太后左右姻家稍通請謁曾多裁抑之太  
后滋不悅至是曾以首相罷知青州

秋八月丁亥朔日食

契丹詳穩大延琳據遼陽反冬十月契丹將蕭孝穆

小字

胡獨董阿古只五世孫討之

遼東自神冊中附契丹無權酤鹽麴之法馮延休韓



紹勲

延徽孫

相繼為戶部使始以燕法繩之民不堪命

會燕荐饑戶部副使王嘉獻計造船使其民漕粟以

賑之水路艱險多至覆沒鞭撲撈掠民怨思亂東京

舍利軍詳穩大延琳因之為變遂囚留守蕭孝先

字延

寧孝穆弟

及其妻南陽公主殺紹勲嘉以快衆情僭號興

遼改元天慶副留守王道平踰城走告變契丹主徵

諸道兵命南京留守蕭孝穆為都統以討之賊兵屢

敗延琳嬰故城守明年賊將楊詳世夜開門納軍遂

擒延琳

京師地震

十一月出祕閣校理范仲淹通判河中

同御大安受朝  
揆之于禮誠不  
合仲淹論之是  
也疏請還政尤  
能持大義而據  
忠直可謂不負  
所學至以率百  
官上壽會寧燕

時帝每以歲旦冬至率百官上太后壽于會寧殿遂  
同御大安殿以受朝祕閣校理范仲淹上疏曰天子  
奉親于內自有家人禮今顧與百官同列北面而朝  
虧君體損主威非所以垂法後世也疏入不報晏殊  
初薦仲淹為館職聞之大懼召仲淹至詰以狂率邀

虧君體損主威  
所言殊為矯枉  
過正天子合天  
下以隆尊養躬  
率羣臣東朝拜  
舞正所以備儀  
教孝為世法程  
又何同到北面  
之嫌乎

名且將累薦者仲淹正色抗言曰仲淹謬辱公薦每  
懼不稱為知己羞不意今日反以忠直獲罪門下殊  
不能答既而又疏請太后還政亦不報遂乞外補出  
為河中府通判

庚午  
八年秋八月復解鹽通商法

上書者言權解鹽官得利微而民困于轉輸詔翰林

學士盛度等議更其制度上通商五利

伐木造船革  
運疲勞今去

其一也陸運貧人懼役連歲逋逃今悉罷二也船  
運有沈溺之患綱吏侵盜離以沙石今皆得食真鹽

三也錢幣欲使流通今歲得商人出緡錢六十餘萬  
助經費四也歲減鹽官兵卒畦夫傭作之給五也

乃罷三京二十八州軍榷法聽商人入錢若金銀于  
京師榷貨務受兩池鹽自是商賈流行而官課損矣

九月姜遵卒以趙楨

字表微宣城人

為樞密副使

時政出宮掖楨厚結劉美家婢以干進用命未下有  
馳告者楨問東頭西頭蓋意在中書也聞者以為笑  
談

辛未九年夏六月契丹主隆緒卒子宗真立其母蕭訥木

謹

阿古只  
五世孫

治國事

宗真宮人訥木謹所生齊天后蕭氏無子取而養之

愛同已出宗真立訥木謹自立為皇太后聽政

宗真  
改元

景福號隆  
緒曰聖宗

初隆緒疾革訥木謹詈皇后曰老物之寵

亦有既邪及隆緒卒左右希其風旨誣齊天后弟謀

逆令鞠治之辭連及齊天后宗真聞之曰皇后侍先

帝四十年撫育朕躬當為太后今不果何反罪之訥

木謹曰此人若在恐為後患宗真曰皇后無子而老

亦無能為也訥木謹不從遷之上京

秋七月遣龍圖閣待制孔道輔

字原魯孔子四十五世孫

等使契丹

契丹來告哀帝遣道輔及王隨

字子正河南人

等充賀冊及

弔祭等使初道輔使契丹契丹燕使者優人以文宣

王為戲道輔艷然徑出主客者邀還坐且令謝道輔

正色曰中國與北朝通好以禮文相接令俳優之徒

侮慢先聖而不之禁北朝之過也何謝為至是再使

契丹益加禮重

冬十月罷翰林學士宋綬

字公垂趙州平棘人

時太后專政而帝未始獨對羣臣綬請令羣臣對前殿非軍國大事及除拜皆前殿取旨書上忤太后意出知應天府

壬申明道元年春二月真宗宸妃李氏薨

夷簡相業一無足稱惟議宸妃歸終之禮思深慮遠所全寔多而持論不激不隨尤得大體

李氏實生帝太后既取帝為己子與楊太妃保護之李氏默然處先朝嬪御中未嘗自異人畏太后亦無敢言者以是帝雖春秋長不自知為李氏出也至是

人者瑕不掩瑜  
褒其一善正所  
以貶其他過惡  
耳

疾革乃自順容進位宸妃薨太后欲以宮人禮治喪  
于外呂夷簡奏禮宜從厚太后遽引帝起復獨立簾  
下召夷簡問曰一宮人死相公云云何也夷簡對曰  
臣待罪宰相事無內外皆當預也后怒曰相公欲離  
間吾母子邪夷簡對曰陛下不以劉氏為念臣不敢  
言尚念劉氏則喪禮宜從厚后悟乃以一品禮殯于  
洪福院夷簡又謂入內都知羅崇勲曰宸妃當以后  
服殮用水銀實棺異時勿謂夷簡不道及也崇勲懼



馳告太后乃許之

三月契丹蕭訥木謹弑其主母蕭氏

訥木謹慮宗真懷齊天后鞠育之恩因其蒐于雪林遣人馳至臨潢賜后死后曰我實無辜天下共知待我浴而後就死使者退比反則后已死矣

秋七月宮中火詔羣臣言闕失

大內火延及八殿帝移御延福宮百官晨朝而宮門不啟輔臣請對帝御拱宸門追班百官拜樓下呂夷

簡不拜帝使人問其故曰宮中有變羣臣願一見清

光上舉簾見之乃拜有司究火所起多引宮人屬吏

御史蔣堂

字希魯常州宜興人

言火起無迹安知非天意陛下

宜修德應變有司乃欲歸咎宮人是重天譴也時促

開封府具獄程琳命工圖火所經處辨其誣伏者且

言此殆天災不可以罪人遂罷獄詔羣臣直言闕失

大赦殿中丞滕宗諒

字子京河南人

秘書丞劉越

字子長大名皆

請太后還政以答天譴不報

冬十一月夏王趙德明卒子元昊嗣

是歲封德明為夏王未幾卒贈太師尚書令兼中書

令遣楊吉授元昊三使

節度觀宗及處  
置押蕃落使

封西平王契

丹亦遣使冊元昊為夏國王初元昊數諫其父勿臣

宋德明輒戒之曰吾用兵久疲矣吾族三十年衣錦

綺此宋恩也不可負元昊曰衣皮毛事畜牧蕃性所

便英雄之生當霸王耳何錦綺為既襲封明號令以

兵法勒諸部自號鬼名吾祖凡六日九日則見官屬

倣中國置文武班立蕃漢書自中書令宰相樞密使  
以下皆分命蕃漢人爲之以衣冠采色別士庶貴賤  
每舉兵必率部長與獵有獲則下馬環坐而飲割鮮  
而食各問所見擇取其長因避父諱改明道爲顯道  
稱于國中

癸酉

二年春二月彗星見于東北

光芒長二尺司天言含譽星

注見前

見然觀者皆以爲

彗

太后有事于太廟

太后欲被服天子袞冕以享太廟薛奎力諫且曰必御此若何為拜后不聽服儀天冠袞衣初獻皇太妃亞獻皇后終獻禮畢羣臣上太后尊號

帝耕藉田

命宰相張士遜

明道元年二月復相

撰謁太廟及躬耕藉田記

檢討宋祁

字子京安陵人

言皇太后謁廟非後世法乃止撰

藉田記

三月皇太后劉氏崩

諡曰莊  
獻明肅

尊太妃楊氏為皇太后帝

始親政

后稱制十一年雖政出宮闈而號令嚴明恩威加天下左右近習少習假借宮掖間未嘗妄改作內外賜予有節賜族人御食必易以銅器曰上方器物勿使入吾家也三司使程琳獻武后臨朝圖后擲于地曰吾不作此負祖宗事漕使劉綽

河中虞鄉人

還京西言在

庾有出贖糧千餘斛乞付三司后問曰卿識王曾張

莊獻不嘗問魯  
宗道以武后何  
如主乎且欲立  
劉氏七廟被天

予氣冕皆何為  
者至進外家任  
官者猶其過之  
小者耳獨于程  
琳之獻圖乃擲  
地詬之豈真乃  
心宋室蓋亦知  
彼時勢尚有不  
能而已史臣遂  
有過譽之談蓋  
必出於曾受其  
惠者之口

知白呂夷簡魯宗道乎此四人者豈因獻羨餘進哉  
晚年稍進外家而任官者羅崇勳江德明等訪外事  
崇勳由此勢傾中外至是后崩帝見左右泣曰太后  
疾不能言猶數引其衣若有所屬何也薛奎曰其在  
袞冕也服之豈可見先帝于地下帝悟遂以后服斂  
舊制后皆二謚稱制加四謚自此始太后遺誥尊太  
妃為皇太后與皇帝同議軍國事閣門趣百僚賀御  
史中丞蔡齊目臺吏毋追班而入白執政曰上春長

長習知天下情偽今宜躬攬朝政豈可使女后相踵

稱制乎殿中侍御史龐籍

字醇之單州武城人

請下閣門取垂

簾儀制盡焚之乃止尊太妃為皇太后而削去同議

軍國事之語帝始親政罷創修寺觀裁抑僥倖召宋

綬范仲淹而黜內侍羅崇勲等中外大悅

劉太后愛帝如已出

帝亦盡孝故始終無毫髮間隙及帝親庶務言者多  
追詆太后時事范仲淹言于帝曰太后受遺先帝調  
護陛下者十年今宜掩其小故以全大德帝曰此亦  
朕所不忍聞也遂下詔戒飭中外毋得輒言皇太后

垂簾  
日事



夏四月呂夷簡張耆夏竦陳堯佐范雍趙稹晏殊罷

夷簡疏陳八事

正朝綱塞邪徑禁賄賂辨佞壬絕女謁疎近習罷力役節冗費

語甚

切至帝因與謀以張耆等皆附太后欲悉罷之夷簡

以為然帝退以語皇后后曰夷簡獨不附太后邪但

多機巧善應變耳由是夷簡亦罷制下夷簡方押班

聞唱名大駭不知其故因令素所厚內侍都知閤文

應

開封人

詞之乃知事由郭后也于是深憾后思有以

傾之

夷簡本非正人但廢后一事不得歸罪于彼以為修報復也試問后而批及帝為有罪為無罪即使無其事夷簡用計傾之則不容諫矣其詳見於廢后事

以李迪同平章事王隨叅知政事李諮為樞密副使王  
德用僉事樞密院事

迪自太后崩召還未幾復相德用初為殿前都虞候  
有求太后內降補軍吏者德用曰補吏軍政也不可  
與太后固欲與之德用卒不奉詔至是帝閱太后閣  
中得德用所奏事奇之以為可大用遂拜僉樞

追尊母宸妃李氏為皇太后

謚莊懿

左右有為帝言陛下乃李宸妃所生妃死以非命者

帝號慟累日下詔自責追尊為皇太后幸洪福寺祭告易梓宮親啓視之妃以水銀故玉色如生冠服如皇后帝歎曰人言其可信哉待劉氏加厚

六月甲午朔日食

秋七月旱蝗詔求直言

時歲大旱蝗食草木幾盡范仲淹請遣使循行未報因請問曰宮掖中半日不食當何如帝惻然乃命陳

執中

字昭譽  
恕之子

安撫京東仲淹安撫江淮

時初置端明  
殿學士以命

宋綬綬上言帝王御天下在總攬威柄陛下躬親萬  
幾內外延首望治而賞罰號令未過於前日頃者恩  
出太后而今又出大臣大臣市恩以招權小人趨利  
以售進此風寢長有蠹邦政太宗嘗曰國家無外憂  
必有內患外憂不過邊事皆可預防若姦邪共濟為  
內患深可懼也真宗亦曰唐朝朋黨尤甚以致王室  
卑弱願陛下思祖宗訓戒念王業艱難整齊紀綱正  
在今日又言馭下之道有三臨事貴守當機貴斷兆  
謀貴密能守則姦無由移能斷則邪無由惑能  
密則事無由變斯安危之所繫惟陛下深念之

冬十月葬莊獻明肅皇后莊懿皇后于永定陵

詔定祔廟禮翰林侍讀學士宋綬援春秋考仲子之  
宮故事請別築宮乃作奉慈廟以奉二后神主

張士遜楊崇勳

明道元年為樞密副使

免以呂夷簡同平章事宋

綬叅知政事王曙為樞密使王德用蔡齊為副使

士遜與崇勳宴飲期上莊懿太后冊不至中丞范諷劾之俱罷夷簡遂復相

十一月薛奎罷

奎以疾罷踰年卒奎謀議正直或志不伸歸輒歎咤不食家人笑曰何必如是奎曰吾仰慙士人俯愧後世爾尤善知人范仲淹龐籍明鎬

字化基密州安邱人

自為吏

臺官職司糾舉  
若由相臣汲引  
則心存瞻顧必  
致共效寒蟬且  
以朝廷言路為  
政府市恩之地  
植黨樹私弊將  
無所終極仁宗  
此詔達政體而  
持法紀實正本  
清源之道  
妻之於夫亦猶  
臣之於君子之

部選人皆以公輔許之卒如其言

詔宰相毋得進用臺官

言者謂臺官必由中旨乃祖宗法也帝曰祖宗法不  
可壞宰相自用臺官則宰相過失無敢言者乃詔自  
今臺官非中丞知雜保薦者毋得除授

廢皇后郭氏謫御史中丞孔道輔右司諫范仲淹

時尚美人楊美人俱得幸數與皇后忿爭一日尚氏于  
帝前有侵后語后不勝忿批其頰帝自起救之誤批

於父耳妻批夫而無罪則臣批君子批父亦可不罪乎仁宗之失在於寵二美人使之與后忿爭既爭而相鬪又失之自起相殺耳然既已批及帝頸則罪在后者即誤亦不可而況官聞之秘所云誤者出諸誰口然則臣之於君子之於父又可誤批乎

帝頸帝大怒內侍閹文應因與帝謀廢后且勸以爪痕示執政帝以示呂夷簡告之故夷簡有憾于后遂主廢黜之議帝猶疑之夷簡曰光武漢之明主也郭后止以怨懟坐廢況傷陛下頸乎帝意遂決夷簡先敕有司毋得受臺諫章奏乃詔稱皇后願入道封淨妃玉京冲妙仙師居長寧宮臺諫章奏果不得入于是中丞孔道輔率諫官范仲淹孫祖德字延仲海人宋庠字公序祁之兄劉渙御史蔣堂郭勸字仲襄鄂州須城人楊偕

仁宗不能明正大義抵之以罪而顧謀之官官謀之執政以至議論紛然道輔仲淹反以無而得名所為不益可笑哉

字次公坊州中部人

馬絳段少連

字希逸開封人

十人詣垂拱殿伏奏

皇后天下之母不當輕廢願賜對盡所言殿門闔不為通道輔叩鐶大呼曰皇后被廢奈何不聽臺臣言尋有詔令夷簡論以皇后當廢狀道輔等至中書語夷簡曰大臣之于帝后猶子事父母也父母不和可以諫止奈何順父出母乎夷簡曰廢后有漢唐故事道輔曰大臣當導君以堯舜豈得引漢唐失德為法邪夷簡不答即奏言伏閣請對非太平美事遂黜道



輔知泰州仲淹知睦州祖德等罰金仍詔臺諫自今  
毋相率請對明日道輔等趨朝欲留百官揖宰相廷  
爭至待漏院聞詔乃退道輔鯁特達遇事彈劾無  
所避天下皆以直道許之僉書河陽判官富弼字彥國河  
南言朝廷一舉而兩失縱不能復后宜還仲淹等不  
聽後近臣有獻詩百篇者執政請除龍圖閣直學士  
帝曰是詩雖多不如孔道輔一言遂以命道輔自  
是在廷皆知前日  
之亦果非上意也

甲戌景祐元年春正月置崇政殿說書

侍講學士孫奭年老乞外因薦賈昌朝

字子明真定獲鹿人趙

希言王宗道楊安國

字君倚密州安邱人

等自代遂制說書日

輪二人祇候昌朝誦說明白帝多所質問

夏五月契丹主宗真幽其母蕭氏于慶州

遼置故城在今巴林西北

蒙古名  
插漢城

契丹太后訥木謹召諸弟議欲立少子重元

小字字吉只聖

宗次重元以其謀白于遼主遂收太后符璽而遷之

慶州七括宮始親決國事立重元為皇太弟

八月有星孛于張翼

張六星注見前翼二十二星天之樂府又主遠賓

帝以星變避殿減膳尋詔淨妃郭氏出居瑤華宮賜號冲靜元師尚美人亦廢于洞真宮入道楊美人別宅安置

王曙卒以王曾為樞密使

曙方嚴簡重有大臣體居官深自損抑然喜浮圖法齋居蔬食泊如也及卒以王曾代之

九月立曹氏

彬女

為皇后

孫

御史裏行孫沔

字元規會稽人

請終莊獻喪制而後行祕書

丞余靖

字安道韶州曲江人

亦以為言不報

冬十月趙元昊寇環慶

續綱目于是年七月書趙元昊反寇環慶考宋史夏國傳及東

都事元昊入寇俱不係七月且入寇環慶在先稱兵報仇在後自是兩事續綱目混而為一叙次顛倒今改正再考宋史仁宗紀景祐元年十二月賜趙元昊佛經蓋是時元昊雖僭擬改元然猶遣使奉貢故禮賜如故至寶元元年上表自言稱帝本紀乃始書反今依本紀為斷于此書寇于寶元元年書反

元昊率眾至環慶殺掠居民下詔約束之已而慶州

桑遠若

宋置在今慶陽府安化縣北

蕃部都巡檢鬼通

鬼羌人姓道其名也

攻後橋諸堡

夏人所築

破之元昊稱兵報仇緣邊都巡檢

楊遵與戰敗績環慶都監齊宗矩援之次節義峯

在安

化縣伏發被執久之始放還

元昊雖嘗奉貢而車服僭擬改元開運或曰石

晉敗亡號也乃改廣運是月其母衛慕氏之族人山喜謀殺元昊事覺元昊醜其母殺之沈山喜之族于河遣使來告哀

乙亥 二年春正月作通英延義二閣

先是龍圖閣學士

祥符中置班樞密直學士上

孫奭繪無逸圖以

進帝命施于講讀閣至是又詔蔡襄

字君謨興化軍仙遊人

寫

無逸篇于閣屏

貶御史裏行孫沔監永州酒務

沔上言自孔道輔范仲淹被黜凡在縉紳盡懷緘默  
乞少霽天威用存國體疏入責知衡山縣沔未知有

責命復上書言事

畧曰深宮之中侍左右者刀鋸之餘悅耳目者艷冶之色宸禁畫嚴

乘輿天遠未見欺名臣請問外事詢祖宗之紀綱  
質朝廷之得失徒修簡易之名未益承平之化又曰  
願推擇大臣講求古道極論精忠品藻賢哲逐刺史  
縣令老儒貪殘之輩以利于民罷公卿大夫諂佞諛  
誕之士以肅于朝簡掖庭之幽曠以求錫  
羨之慶抑官侍之重任以防昵近之私  
書奏再責

監永州酒務

二月育宗室允讓

太宗之孫商王元份之子

子宗實于宮中

時帝未有繼嗣曹皇后居中決定大計遂取宗實入宮后拊鞠之時年四歲

李迪罷以王曾同平章事蔡齊盛度叅知政事王隨李

諮知樞密事王德用韓億

字宗魏開封雍邱人

同知院事

侍御史龐籍劾三司使范諷李迪右之籍劾諷不已詔下獄置對上獨召呂夷簡與宋綬決獄夷簡素疾

諷又欲因以傾迪特寬籍而重貶諷凡與諷善者皆

絀削迪遂罷知亳州

迪謂人曰迪不自量恃主上之知自以為宋璟而以呂公為姚

崇其待我乃如是邪當時謂籍之劾諷夷簡實陰教之

### 命集賢校理李照重定雅樂

時承平日久帝留意禮樂之事判太常寺燕肅

字穆之青

州益都人乞以王朴所造律準考定樂器帝乃命李照

言朴律準視古樂高五律視教坊樂高二律臣請依神瞽律法試鑄編鐘一簠可使量度權衡協和詔許



之既成帝御延福宮觀焉然照獨任所見更造新器  
聲極下議者非之乃詔天下有深遠鍾律音者在

以聞知杭州鄭向

字公明  
陳留人

薦鎮東推官阮逸知蘇州

范仲淹薦布衣胡瑗

字翼之  
泰州海陵人

瑗逸至闕盛言照樂

穿鑿帝命改作之瑗以橫黍累尺及成則律圍徑與

古不合而逸又獨執周禮嘉量之法請鑄量以定律

石司諫韓琦

字穉圭  
國華之子

言自燕肅倡議以來言人人

殊臣恐後人復有從而非之者臣竊計之不若窮作

樂之原為致治之本使政令平簡民物熙洽斯則治古之樂也可以器象求乎今西北二陲久弛邊備陛下與左右大臣宜先及之緩茲求樂之議移訪安邊之策帝嘉納之詔太常仍用和峴所定樂

秋九月作睦親宅

依宋史帝紀改七月為九月

上以皇族散處都城或睽燕集詔以玉清昭應宮舊地作睦親宅以處之

冬十月故后郭氏暴卒詔竄內侍閹文應于嶺南

后居瑤華帝頗念之遣使存問賜以樂府后和荅辭甚悽惋帝悔嘗密遣人召之后辭曰若再見召須百官立班受冊方可文應以嘗譖后懼其復立屬后小疾帝遣文應挾醫診視數日言后暴崩中外疑文應進毒而不得其實帝深悼之追復后號以禮殮葬而停謚冊祔廟之禮知開封府范仲淹劾奏文應之罪竄之嶺南死于道

詔錄五代及諸國後

以郊祀加恩故也時御史臺辟石介

字守道兗州奉符人為主

簿介未至論不當求諸偽國後坐罷

館閣校勘歐陽修遺書責中丞

杜衍曰主簿于臺中非言事官介足求履臺門之闕己用言事見罷度介之才不止為主簿直可為御史

今斥介而他舉亦必擇賢夫賢者固好辯又有言則又斥而他舉乎如此則必得愚闇懦默者而後止也

衍不能用歐陽修字永叔廬陵人杜衍字世昌越州山陰人

十二月吐蕃嘉勒斯賚大敗趙元昊于河湟

趙元昊遣索諾爾擊嘉勒斯賚敗死殆盡索諾爾被

執元昊自領衆攻猫牛城

即麓牛城後崇寧中改名宣威在今西寧府西寧縣

北 一月不下既而許約和城開元昊大縱殺戮又攻

青唐

今西寧縣宋初屬吐蕃謂之青唐城

宗噶爾

注見前

帶星嶺

在西寧縣故龍

支城

西北諸城吐蕃部將阿咱爾以兵截歸路元昊與戰

敗之然兵溺宗噶爾河

即宗哥河亦曰宗水源出西寧邊外東北流入湟河及

饑死過半并兵臨河湟嘉勒斯賚潛移州不出元昊

乃渡河插幟識其淺嘉勒斯賚潛移植深處及大戰

元昊潰歸士卒視幟而渡溺死者十八九鹵獲甚衆

嘉勒斯賚來獻捷詔加保順軍留後

子  
三年春三月詔優給致仕官俸

詔曰致仕官舊給半俸而仕嘗顯者或貧不能自給  
非所以遇高年養廉恥也自今兩省卿監刺史閤門使  
以上致仕者給俸如分司長吏歲時以朕意勞賜之  
復貼射茶法

自貼射茶法廢而河北入中虛估之弊益甚李諮既  
居政府請復行見錢法皆如天聖元年之制又命商  
持券徑趨權貨務驗實立償之錢而三說之法廢縣

官自此省費矣

夏五月貶知開封府范仲淹及集賢校理余靖館閣校

勘尹洙

字師魯河南人

歐陽修于外詔戒羣臣越職言事

仲淹以呂夷簡執政進用多出其門上百官圖指其次第曰如此為序遷如此為不次如此則公如此則私況進退近臣凡超格者不宜全委之宰相夷簡不悅他日論建都之事仲淹進曰洛陽險固而汴為四戰之地太平宜居汴即有事必居洛陽當漸廣儲蓄

繕宮室帝以問夷簡夷簡對曰仲淹迂濶務名無實

仲淹聞之乃為四論以獻

一曰帝王好尚二曰選賢任能三曰近名四曰推變

大抵譏切時弊且曰漢成帝信張禹不疑舅家故有

新莽之禍臣恐今日亦有張禹壞陛下家法夷簡訴

仲淹越職知饒州集賢校理余靖上言仲淹以議刺

大臣重加譴謫儻其言未合聖意在陛下聽與不聽

耳安可以為罪乎汲黯在廷以平津為多詐張昭論

將以魯肅為麓疎漢皇吳主熟聞訾毀兩用無猜豈



損令德陛下自親政以來屢逐言事者恐鉗天下口

請改前命疏入坐落職監筠州

唐置今江西瑞州府是

酒稅館

閤校勘尹洙上疏曰仲淹忠亮有素臣與之義兼師

友則是仲淹之黨也臣不可苟免夷簡怒斥監郢州

酒稅館閤校勘歐陽修貽書責司諫高若訥

字敏之并州榆

次人曰仲淹以非辜逐君不能辨猶以面目見士大夫

出入朝中是不復知人間有羞恥事若訥怒上其書

修坐貶夷陵

注見前

令于是御史韓縝

字玉汝億第大子

希夷

簡旨請以仲淹朋黨榜朝堂戒百官越職言事從之  
時朝士畏宰相無敢出送仲淹者獨龍圖直學士李  
絃集賢校理王質出郊飲餞之或以謂質質曰希文  
賢者得為朋黨幸矣館閣校勘蔡襄作四賢一不肖  
詩以譽仲淹靖洙修而譏若訥都人相傳寫鬻書者  
市之得厚利契丹使適至買歸張于幽州館  
李絃字仲綱昌齡從子王質字子野旦第三子

### 秋七月置大宗正司

以宗室允讓領之時諸王子孫衆多既聚居睦親宅  
詔于祖宗後各擇一人使司訓導糾遺失

### 冬十月契丹初殿試進士

契丹主御元和殿以日射三十六熊賦幸燕詩試進  
士于廷遂大宴

十一月皇太后楊氏崩

謚章惠祔葬永定陵

十二月趙元昊侵回鶻取瓜沙肅州

注見前

元昊既悉有夏銀綏宥靜靈鹽會勝甘涼

注俱見前

又取

瓜沙肅而洪定威龍皆即堡鎮號為州

洪州以洪源谷名在今涼

州府平番縣定州即定遠鎮注見前威州即威振堡在今寧夏府平羅縣龍州今榆林府靖遠縣之龍州

堡仍居興州

元昊改靈州為興州

以為興慶府阻河

黃河

依賀

蘭山

在今寧夏府寧朔縣西元和志其山樹木為固青白望如駿馬披人呼駿馬為賀蘭故名

地方萬里改元大慶設十六司以總庶務置十六監軍司委酋豪分統其衆軍兵總計五十餘萬發兵則以銀牌名部長自製蕃書形體方正類八分以教國

人紀事

初華州有二生曰張曰吳者久困場屋薄遊塞上聞元吳有意窺中國遂叛而往即其都

門之酒家劇飲終日引筆書壁曰張元吳吳來飲此邏者執之元吳責以入國問諱之義二人大言曰姓尚不理會乃理會名邪時元吳用中國賜姓二人故云元吳竦然異之日尊寵用事凡夏人立國規模入寇謀畫皆二人所導也

丁丑四年春二月祠赤帝于宮中

初乾德中太常博士聶崇義言皇帝以火德上承正統請以赤帝為感生帝每歲正月別壇而祭至是以祈嗣乃置像宮中祠之

夏四月呂夷簡王曾宋綬蔡齊罷以王隨陳堯佐同平章事韓億程琳石中立

字表臣  
熙載子

叅知政事盛度知樞密

院事王醴

字總之  
趙州臨城人

同知院事

初夷簡事曾甚謹曾力薦為相及曾復入中書位反

居下而夷簡任事久多所專決曾不能堪議論間有異同遂力求罷帝疑之問曾曰卿亦有所不足邪時外傳夷簡納賂曾因及之帝以問夷簡夷簡乞置對遂交論帝前而曾語亦有失實者求去益力夷簡亦乞罷時曾與蔡齊善而夷簡善宋綬惟盛度不得志于二人而性猜險每有所議依違其間及是帝問度曰曾夷簡力求退何也度對曰二人心事臣不得知陛下詢二人以孰可代者則其情可察矣帝從之曾

薦齊夷簡薦綬于是四人俱罷而度獨留

冬十二月地震

京師及定襄并代忻州皆震而并代忻尤甚壞民廬舍壓死者二萬二千餘人傷者五千六百人直史館

葉青臣

字道卿蘇州長洲人

上言京師地震及大河之東彌千

五百里誠大異也陛下泰然不以為異徒使內侍四方崇佛事修道科非所謂消復之實也頃范仲淹余靖以言事被黜天下之人齟舌不敢議朝政者將二

年願陛下深自咎責詳延忠直敢言之士庶幾明威  
降鑒善應來集書奏數日仲淹等皆得近徙

戊寅

寶元元年春正月戊戌朔日食

續綱目不書今依宋史天文志補

詔

求直言

時有衆星西北流雷發不時下詔求直言大理評事

蘇舜欽

字子美  
易簡孫

言臣觀國史祖宗日日視朝旰食

罷猶坐後苑門召對白事者委曲詢訪今陛下春秋  
鼎盛實宵旰求治之秋乃隔日御殿此政事不親也



三司計度經費二十倍于祖宗之時府庫匱竭斂科無虛日此用度不足也二者誠國大憂願陛下因此災變修己以御人洗心以鑒物勤聽斷舍燕安放優諧近習之纖人親剛明鯁直之良士以思永圖疏入詔復曰御前殿

三月王隨陳堯佐韓億石中立免

隨為相無所建明而數與堯佐億中立爭事會災異屢見右司諫韓琦言隨堯佐中立非輔弼才億不當

以子綱為羣牧判官遂皆免琦遇事敢言切而不迂  
在諫垣前後凡七十餘疏

以張士遜章得象

字希言建州浦城人

同平章事王巖李若谷

字

淵徐州豐人

叅知政事王博文

字仲明曹州濟陰人

陳執中同知樞密

院事

得象為翰林學士時莊獻太后每遣內侍至學士院  
得象必正色待之或不交一言帝聞而器之至是謂  
曰向者太后垂簾羣臣邪正朕皆默識惟卿清忠無

所阿附且未嘗干請今日用卿職由此也

博文尋卒以張觀同

知樞密院事

張觀

字思正絳州絳縣人

冬十月詔戒百官朋黨

范仲淹既徙潤州讒者恐仲淹復用遽誣以事語入帝怒亟命置之嶺南中外論薦仲淹者衆帝以其涉朋黨下詔戒之

趙元昊殺其叔父山遇遂反

元昊遣使請五臺供佛以窺河東道路既還與諸酋

山遇以勸沮元  
吳叛謀不見聽  
納挈眷歿降且  
既至中國投誠  
誼難復歸故土  
郭勸即當馳奏  
朝廷撫綏安輯  
並覘其虛實益  
謹邊防顧乃執  
還夏人聽其戕  
害既失招徠之  
義並疎禦敵之  
方雖元昊逆跡  
早萌不因此而  
生釁而稱兵之  
速勸實促之當

敵血約先攻廊延欲自靖德

當作德靖故城在塞門  
今延安府保安縣

砦

在今延安府保安縣

赤城路

在今平涼府崇信縣

三道並入其叔父山

遇數勸元昊勿反不聽山遇遂挈妻子來降知延州

郭勸執還元昊元昊殺之遂稱帝改元天授禮法延

祚國號夏遣使奉表有云望許西郊之地冊為南面

之君敢竭庸愚常敦歡好

十一月沂公王曾卒

諡文正

曾性資端厚在朝廷進止有常處平居寡言笑人不

日朝廷未開  
以譴責何邪  
加

敢干以私進退士人莫有知者范仲淹嘗謂曾曰明  
揚士類宰相任也公之盛德獨少此爾曾曰恩欲歸  
已怨將誰歸邪仲淹服其言及卒贈侍中曾無子皇  
祐中其弟

子融後唐元宗題裴耀卿碑額例請帝親  
篆其碑許之題曰旌賢大臣賜碑自曾始

十二月京師地震

以夏竦為涇原秦鳳安撫使范雍為鄜延環慶安撫使  
經畧夏州

時鄜延路奏趙元昊反故有是命已而移竦知涇州

見疎畏敵如虎  
意在株守而不  
在征討邊事安  
得不壞朝廷既  
知其怯何不選  
將易之而聽其  
姑息貽害耶即  
其所條十事亦  
係臨渴掘井之  
謀且止為防守  
計惟藉嘉勒斯  
賚之力以當夏

與雍俱兼經畧使又命天章閣待制龐籍體量

體察量度也

陝西詔籍就疎計事疎上疏以為德明元昊相繼猖

獫今若不較主客之利不計防守之便而輒議追討

非良策也因條上十事

一教習彊弩以為奇兵二羈縻屬羌以為藩籬三詔嘉勒

斯養并力破賊四度地勢險易遠近砦柵多少增減  
屯兵五詔諸路互相應援六募土人為兵以伐東兵  
七增置弓手壯丁以備城守八併並邊小砦以完兵  
力九聽闕中民入粟贖罪以贍邊計十損並邊冗官  
冗官以紓饋餉朝廷多采用之然是時邊臣方議征討多以

疎為怯

人更不免於示  
弱而廷議多采  
用之其不能振  
作有為亦可知  
矣

加吐蕃嘉勒斯賚保順節度使

自西涼為李繼遷所陷巴勒結舊部歸嘉勒斯賚回

紇多附之嘉勒斯賚居鄯州西有臨谷城

在今西寧府西寧縣

通青海高昌諸國

注俱見前

商人皆趨之以貿易由是富

彊朝廷欲使背擊元昊以披其勢因授節鉞仍兼邈  
州大首領尋加河西節度使嘉勒斯賚約盡力然終  
不能立大功

已卯二年夏四月募民入粟實邊

五月罷王德用以夏守贇

字子美守恩弟

知樞密院事

趙元昊反德用請自將討之不許德用狀貌雄毅面黑頸以下白皙人皆異之言者論其貌類藝祖且得士心不宜久典機密遂罷言者猶不已遂降知隨州家人惶懼而德用舉止言笑自若惟不接賓客而已六月削趙元昊賜姓官爵

元昊表至羣臣皆曰元昊小醜出師討之當即誅滅

諫官吳育

字春卿建安人

獨進曰天昊雖稱藩臣其尺賦斗



租不入縣官且叛服不常請置之示不足責且彼已  
僭與服勢必不能自削宜援國初江南故事稍易其  
名可以順附而收之不報未幾下詔削奪元昊官爵  
絕互市揭榜于邊募人能擒元昊若斬首獻者即授  
定難節鉞已而元昊又遣賀永年齎書納旌節及  
所授敕告置神明匣留歸孃族而去歸  
孃族蕃  
部名

詔省浮費

時陝西用兵調費日蹙命近臣及三司議省浮費右

司諫韓琦言省費當自掖庭始請令三司取先朝及近歲賜予之數裁為中制無名者罷之乃詔自乘輿服御及宮掖所須務從簡約或欲損兵吏俸賜帝曰祿廩皆有定制毋遽更變以搖人心宜申諭之

秋七月契丹主宗真迎其母蕭氏于慶州

蕭氏居慶州五年勸契丹主迎之以覲中國歲幣之利契丹主悔悟乃奉迎還京然出入舍止常相距十數里陰為之備

冬十一月盛度程琳罷以王巖知樞密院事宋庠叅知政事

初張士遜惡琳而嫉孔道輔不附己欲并去之會開

封府吏馮士元以贓敗知府鄭戩

字天休蘇州吳縣人

窮治之

辭連度琳及天章閣待制龐籍直集賢院呂公綽

字仲

裕

太常博士呂公弼

字宗臣並夷簡子

等十餘人士遜謂道

輔曰上顧程公厚今為小人所誣盍見上辨之道輔

不悟入言琳罪薄不足深治帝以道輔朋附怒于是

度琳俱坐免

度出知揚州琳知潁州

籍等並被黜罷士元流海

島道輔亦出知鄆州

道輔始知為士遜所賣發憤而卒然天下皆以遺直許之

夏人寇保安軍

宋置今延安府保安縣是

巡檢指揮使狄青

字漢臣汾州河

西人擊敗之

青初以善騎射為騎御散直從西征戰安遠

本蕃部舊砦在

延安府安塞縣北

諸砦皆克捷臨敵披髮帶銅面具出入賊

中皆披靡莫敢當至是元昊寇保安軍鈴轄盧守懃

字君錫開封祥符人

使青擊走之以功加秦州刺史帝欲召見

問以方畧會賊寇渭州命圖形以進

庚辰  
康定元年春正月丙辰朔日食

先是司天楊惟德請移閏于庚辰歲則日食在正月之晦帝曰閏所以正天時而授民事其可曲避乎不許至是諫院富弼請罷宴徹樂就館賜北使酒食執政不可弼曰萬一契丹行之豈不為朝廷羞既而聞契丹罷宴帝深悔之

元昊寇延州執副總管劉平

字士衡開封祥符人

石元孫

字善長守信孫

平死之

續綱目作劉平石元孫戰歿考平與元孫同被執而平死節元孫留賊中不得並書戰歿今改

書

二月貶范雍知安州

延州當夏人出入之衝地濶砦踈土兵寡弱又無宿

將雍請益師不報未幾元昊詐遣人通款于雍雍信

之不設備既而元昊引兵攻保安軍破金明砦

本隋金明

縣宋改為砦故城在延安府安塞縣

執都監李士彬

延州金明人

父子乘勝

至延州城下雍令石元孫出戰又以書召劉平于慶

州平督騎兵先發步卒繼進夜至三川口

宜川延州川之口也在

令安塞縣北

西十里止營時鄜延都監黃德和巡檢万俟

政郭遵

開封人

分屯外境雍皆召還為援平與之合步

騎萬餘東行五里許與賊遇遵擊退之賊蒙盾而陳

官軍復奪其盾殺獲及溺死者近千人日暮賊以輕

兵來薄官軍小却德和望見遽率麾下走保西南山

衆從之皆潰平遣其子宜孫馳追德和語曰當并力

抗賊先何先奔德和不從驟馬遁赴甘泉

唐縣今屬延安府

平遣軍校遮留得千餘人轉鬪三日退保西南山立

金明砦之敗由  
於范雍庸懦無

柵自顧夜四鼓賊環營呼曰如許殘兵不降何待平

旦賊自山四出合擊絕官軍為二平遂與元孫俱被

執平不食數罵曰何不速殺我遂遇害元孫留賊中

會大雪賊解去延州得不陷德和既遁輒誣平降賊

詔殿中侍御史文彥博

字寬夫汾州介休人

即河中置獄問狀

德和坐腰斬雍貶知安州朝廷不知孫元未死詔與

平俱贈官

後元昊歸款縱元孫歸諫官請斬塞下以賈昌朝奏貸之安置全州

以夏守贊為陝西經畧安撫招討使內侍王守忠為都



備自當慎簡幹  
才代將以叶師  
貞用非其人雖  
置鈴轄何益況  
庵寺在軍小則  
沮撓掣肘大則  
齟齬憤輟終唐  
之世弊患百出  
仁宗何亦踵前  
車覆轍邪

鈴轄

知諫院富弼言唐之衰以內臣監軍取敗非一今守  
忠為鈴轄與監軍無異昨用夏守贊已失人望願罷  
守忠勿遣不聽

除越職言事之禁

西事日擾括畿內京東西淮南馬詔諸路轉運提刑  
訪知邊事者以聞又詔樞密同宰臣議邊事出內藏  
緡錢八十萬陝西糴軍儲釋寇所至州縣罪並免夏

稅時禁越職言事富弼因論日食謂應天變莫若通  
下情帝嘉納之于是盡除其禁許中外臣庶上封章  
言朝政得失

命知制誥韓琦安撫陝西

琦使蜀歸論西師形勢甚急即命安撫陝西琦言范  
雍節制無狀宜召知越州范仲淹委任之方陛下焦  
勞之際臣豈敢避形迹不言若涉朋比誤國家當族  
帝從之召范仲淹知永興軍

三月王醜陳執中張觀免以晏殊宋綬知樞密院事王

貽永

字繼長  
博之孫

同知院事

天聖中醜使河北過真定時曹瑋為總管醜見之瑋  
謂曰君異日當柄用願留意邊防醜曰何以教之瑋  
曰吾聞趙德明嘗使人以馬權易漢物不如意欲殺  
之少子元昊年方十歲諫曰我戎人本從事鞍馬而  
以資鄰國易不急之物已為非策又從殺之失衆心  
矣德明從之吾嘗使人覘元昊狀貌異常他日必為

邊患融未以為然比再入樞密元昊果反帝數問邊  
事融不能對及劉平戰歿議刺鄉兵久未決帝怒遂  
與執中觀同免融始歎瑋之明識

夏五月張士遜致仕以呂夷簡同平章事

時軍興機務填委士遜位首相無所建明諫官以為  
言士遜不自安上章請老詔以太傅致仕宰相得謝  
自士遜始

以夏竦為陝西經畧安撫招討使韓琦范仲淹副之詔

夏守贇王守忠還

守贇庸怯寡方畧詔與王守忠赴關以竦等代之

仲淹

上言今邊城之備十有五七關中之備十無二三若吳賊深入乘關中之虛東阻潼關隔兩川貢賦則朝廷不得高枕矣為今之計宜嚴戒邊備使持久可守充實關內使無虛可乘寇至邊城清野不得大戰關中稍實不能深入二三年間被自困弱此上策也今邊城請五路入討臣恐承平歲久無宿將精兵一旦與深入之謀國之安危未可知也已而元昊陷塞門砦執砦主高延德以去又陷安遠承平二砦著作佐郎張方平上平戎十策其畧以為宜屯重兵河東示形勢賊入寇必自延渭而興州巢穴之守必虛我師自麟府渡河不十日可至此所謂攻其所必救形格勢禁之道也宰臣呂夷簡雖善其策而不果行承

平砦在延安府安定縣北  
張方平字安道南京人

以范仲淹兼知延州

延州諸砦多失守仲淹請自行詔兼知延州先是詔  
分邊兵總管領萬人鈐轄領五千人都監領三千人  
寇至禦之則官卑者先出仲淹曰將不擇人以官為  
序取敗之道也于是大閱州兵得萬八千人分六將  
領之日夜訓練量賊衆寡使更出禦敵入聞之相戒  
曰無以延州為  
意今小范老子腹中自有數萬甲兵  
不比大范老子可欺大范指雍也仲淹以民遠輸

勞苦請建郿城為軍以河中府同華州中下戶租稅就輸之春夏徙兵就食可省糴之十三他所減不與

去聲

詔以為康定軍仲淹又修承平永平等砦

永平砦在

延安府延川縣西北

稍招還流亡定堡障通斥堠城十二砦于

是羌漢之民相踵歸業

九月元昊寇三川諸砦

三川砦宋置在平涼府固原州東南環慶副總管

任福

字祐之開封人

攻其白豹城

在今慶陽府安化縣北

克之

元昊寇三川諸砦韓琦使任福領兵七千聲言巡邊

部分諸將夜趨七十里至白豹城平明克之破四十族焚其餘積而還

鄜州將种世衡

字仲平放兄子

城青澗

本寬州壘宋建城金升為縣今屬綏德州

時塞門諸砦既陷鄜州判官种世衡言延安東北二  
百里有故寬州城請因廢壘而興之以當寇衝右可  
固延安之勢左可致河東之粟北可圖銀夏之舊朝  
廷從之命世衡董其役夏人屢次來爭世衡且戰且  
城然處險無泉議不可守鑿地百五十尺至石不及



泉工辭不可穿世衡命屑石一畚酬百錢卒得泉以  
濟城成賜名青澗以世衡知城事世衡開營田募商  
賈通貨利城遂富實

冬十月詔內降升遷者執奏

莊獻垂簾之際  
請謁咸行無恥  
者至援劉美家  
婢干進朝政洎  
亂極矣仁宗益  
深鑒其弊故一

先是韓琦言祖宗于賞罰任使必與兩省大臣升朝  
公議自莊獻垂簾遂有假托因緣或于內中下表或  
口為奏求以致僥倖日滋賞罰倒置蠹壞綱紀為害  
至深臣乞自今于凡因緣陳乞者即降出姓名并為

聞韓琦之奏即  
禁皇族及命婦  
等非時入內復  
許執奏內降升  
遷誠得杜漸防  
微之要矣

奏求人並重行賡責則聖政無私朝規有序矣帝嘉  
納之詔禁皇族及諸命婦女冠尼等非時入內至是  
復詔凡有內降升遷及差遣者許執奏

十二月鑄當十錢

助邊費也

辛巳慶厯元年春正月詔廊延涇原會兵討元昊不果行

帝以元昊勢益猖獗遣翰林學士晁宗慤

字世良澶州清豐人

即陝西問攻守之策夏竦等具二說令副使韓琦判

塞外冬寒草枯  
賊牧放無貿易  
於制服且逆料  
中國之不能冒  
冰雪以深入守  
禦必死若乘時  
以攻其無備奚  
止事半功倍至  
春深則草長馬  
肥敵得逞其長  
技此主客疆弱  
一定之勢仲淹  
未能深悉邊情  
習見漢人之不  
耐饑寒遂不免  
為迂濶之論或

官尹洙詣闕奏之帝取攻策執政以為難杜衍亦曰  
倣倬成功非萬全之計帝不聽詔廊延涇原會兵期  
以正月進討范仲淹言正月塞外大寒我師暴露不  
如俟春深賊馬瘦人饑勢易制且廊延密邇靈夏西  
羌必由之地乞留此一路以備招納或擇利進城廢  
砦以牽制元昊帝從之仍詔仲淹與琦等同謀可以  
應機乘便即仍出師琦奏言兩路協力尚懼未能大  
剿黠虜若廊延以牽制為名則是委涇原孤軍嘗于

賊手非計之得乞督令廊延進兵同入帝以奏示仲淹仲淹言臣與琦等皆一心非有怯弱但戰者危事

一或失差則平定之期轉延歲月况橫山

在榆林府懷遠縣南

與延安府安定縣接界

蕃部散居亦多設堡控扼兵少則難追

多則難進未見其利琦又令尹洙至延州議仲淹堅執不可琦復上奏曰仲淹意在招納使朝廷彊之終非已謀將佐聞之必無銳志臣以賊昊傾國入寇不過四五萬我兵遜路自守勢分力弱故遇敵不支若大軍

併出鼓行而前乘賊驕惰其破可必今中外不究此  
故遂乃待賊太過屯二十萬重兵只守界壕中夏之弱自  
古未有臣恐邊障曰虛士氣日喪經費益盛乞別命  
近臣以觀賊隙如可進討斷在不疑朝廷終難之

元昊遣人至延州議和范仲淹以書諭之

考宋史范仲淹傳  
元昊請和于仲淹

在好水之戰前夏國傳在好水之戰後韓琦傳與仲  
淹傳畧同續綱目叙次以韓范二傳為斷今依之

元昊歸臨將高延德于延州與范仲淹約和仲淹自  
為書遣元昊反覆戒諭令去帝號盡臣節以報累朝

厚待之恩會元昊亦求盟于韓琦琦曰無約而請和

者謀也命諸將戒嚴而自行邊

二月元昊寇渭州

宋置治平涼府時渭州已沒吐蕃故移置于此

任福與戰于

好水川

今名甜水河在平涼府隆德縣東源出六盤山西南流與苦水合苦水即瓦亭水也

敗死

貶韓琦知秦州

韓琦行邊至高平

此宋砦在平涼府鎮原縣北非古高平城也

元昊果遣

衆寇渭州薄懷遠城

本赤蘆城明道中賜名在隆德縣東南

琦乃趨鎮

戎軍

宋置今固原州是

盡出其兵命環慶副總管任福將之

西夏之役韓琦主戰攻而范仲

淹主和守議者  
徒見好水川之

敗遂多咎琦而

趙仲淹者不知

任福不遵琦節

制其致敗非琦

所能逆料而仲

淹之和終亦異

能成哉徒以通

書獲罪怡笑外

敵而無補于中

國蓋屑儒之流

畏事惡勞一聞

戰則咋舌蜷縮

若恐矢石之及

已而一聞和則

以耿傳

字公弼河南人

參軍事涇原都監桑懌

雍州人

為先鋒

朱觀武英

字漢傑太原人

王珪

開封人

各以所部從福將行琦

戒令自懷遠趨德勝砦

宋置在平涼府靜寧州東北

至羊牧隆城

在隆德縣西北即耶沒隴川宋于此置砦

出敵後度勢未可戰即據險置

伏要其歸路且曰苟違節制有功亦斬福引輕騎數

千趨懷遠掠龍川

在隆德縣東北

遇鎮戎西路巡檢常鼎劉

肅與敵戰于張家堡南敵佯北桑懌引騎趨之福踵

其後謀傳敵兵少福等頗易之薄暮與懌合軍屯好

以為保全生靈  
為國遠謀彼其  
于國家之安危  
榮辱固未嘗計  
及也如是之人  
而可與之策攻  
戰和守之議哉  
數銀泥合安能  
藏鴿百餘且自  
設伏至交鋒已  
將經日鴿性不  
耐閉氣封識過  
久勢將垂斃又  
安能復起盤飛  
此蓋債敗之餘

水川朱觀武英屯籠絡川

在好水川市

相距五里時元昊自將

精兵十萬營于川口諸將已入其伏中猶不知約以翌日會

兵不使夏人一騎遁詰旦福與懌循好水川西行出六盤

山

在隆德縣東與固原州接界

下距羊牧隆城五里與夏軍遇方知

墮敵計勢不可留遂格戰懌于道傍得數銀泥合封

襲謹密中有動躍聲疑莫敢發福至發之乃懸哨家鴿百

餘自中起盤飛軍上于是夏兵四合懌犯其鋒福陣未

成列賊縱鐵騎突之自辰至午陣動衆欲據勝地忽夏人



其殘兵恐欲歸  
咎于已歿之任  
福遂爾傳聞失  
實不足信也

陣中樹鮑老旗

戲幢也

長二丈餘懾等莫測既而旗左麾

左伏起右麾右伏起翼而擊之官軍大敗懾肅戰死福身

被十餘矢小校劉進勸福自免福曰吾為大將兵敗以

死報國爾力戰鎗中左頰絕其喉而死子懷亮亦死之先是

渭川都監趙津將瓦亭

宋砦在平涼縣以瓦亭關名瓦亭關在平涼府華亭縣西北是

為東瓦亭其西瓦亭

在秦州秦安縣東北

騎兵三千為後繼至是與朱觀武英

遇合兵拒戰王珪亦自羊牧隆城引屯兵四千五百助

觀掠陣陣堅不可破英被重傷不能視軍敵兵益至衆遂

潰英津珪傳皆死惟觀以兵千餘保民垣發矢四射  
會暮敵引去得還將士死者萬三百人闕右大震時  
元昊傾國入寇福臨敵受命所統皆非素撫之兵又  
分出趨利故至甚敗奏至帝震悼為之旰食夏竦使  
人收散兵得琦檄于福衣帶間言罪不在琦琦亦上  
章自劾猶奪一官徙知秦州

三月貶范仲淹知耀州

元昊答仲淹書以好水川之勝語多不遜仲淹對來

使焚之朝議以仲淹不當擅通書又不當擅焚之宋  
庠請斬仲淹杜衍曰仲淹志在招納蓋忠于朝廷也  
何可深罪帝乃降仲淹戶部員外郎徙知耀州未幾  
復徙慶州

夏四月以陳執中同陝西撫經畧招討使

時夏竦判永興軍執中知軍事議多異同故分命竦

屯鄜州執中屯涇州

竦雅意在朝廷及任以西事頗  
依違顧避嘗出處邊置侍婢中

軍帳下幾至兵燬元昊命募得竦  
前者與錢三千其見輕侮如此

五月宋庠鄭戩罷以王舉正

字伯中  
化基子

參知政事任中師

字祖聖  
中正弟

任布

字應之  
河南人

為樞密副使

庠練習典故遇事輒分別是非戩果敢任氣皆與呂

夷簡不合因罷凡庠與善者夷簡悉指為朋黨斥之

秋八月元昊陷豐州

注見前

冬十月夏竦陳執中免

元昊寇麟府州折繼閔

德辰  
曾孫

敗之尋寇金明破寧遠

宋砦在蔚州  
府谷縣西

進圍豐州孤城無援遂陷元昊又遣兵

分屯要害以絕麟州餉道會管勾麟府軍馬事張亢

字公壽  
濮州人

破賊于柏子砦

在府谷縣北

及兔毛川

在葭州神木縣西北

遂築十餘柵河外始固知諫院張方平言夏竦為統帥三歲于茲師惟不出出則喪敗寇惟不來來必殘蕩安用為統帥也今將校被斥而帥不加罪非刑賞之公乃改竦判河中執中知陝州

分陝西為四路以韓琦王汾

字聖源大名館陶人

范仲淹龐籍兼

畧安撫招討使

分秦鳳涇原環慶鄜延為四路各置使琦知秦州汾

知渭州仲淹知慶州籍知延州詔分領之張方平言  
涇原最當賊衝王公未愜人望不當與琦同等列不  
報琦上言請于鄜渭慶三州各更益兵三萬人拔用  
有武畧將帥統領訓練預分部曲遠斥堠西賊一有  
舉動則先據要害觀利整陣併力擊之又于賊未集  
之時出已整之兵淺入大掠招其種落築壘拓地別  
立經制朝廷傾內帑三分之一分助邊用使行間覘  
賊如此則二三年間賊力漸屈平定有期矣籍至延

州城砦焚掠殆盡籍稍葺治之命部將狄青將萬人

築招安砦于橋子谷旁

在延安府安塞縣西北

以斷寇出入之

路又使周美

字子純靈州回樂人

襲取承平砦王信

字公亮太原人

築

龍安砦

在安塞縣北後改名德安

悉復所亡地築十一城延民以

安初元昊陰誘屬羌為助環慶酋長六百餘人約為

鄉導事尋露仲淹以其反覆不常至部即奏行邊以

詔書犒賞諸羌為立條約諸羌皆受命自是為中國

用羌人親愛之呼為龍圖老子仲淹又據要險築大

順城

在慶陽府安化縣北

度賊必爭密遣其子純佑

字天成

與著

將趙明先據其地旬日城成賊以三萬騎來戰佯北

仲淹戒勿追已而果有伏大順既城而白豹金湯


名若

在安北縣東北與延州榆林接界

皆不敢犯環慶自此寇盜益少

仲淹

在邊絕佑年方寇與將卒錯處鉤深摘隱得其材否由是仲淹任人無失所向有功





御批歷代通鑑輯覽卷七十四